

勉
行
堂
詩
集

勉行堂詩集卷二十

古歙 程晉芳 魚門

无咎集

起丁亥十一月
盡巳丑八月

丁亥仲冬僕徐盜郵使金累幾及余賴

聖天子仁恩免議歲闌風雪偶有題咏取訟初九爻辭名集曰
无咎以志小臣感激之忱云

送畢秋帆之任輦昌

繕性憂患餘送遠冰雪夜疏筵撫凍醪沾吻未能下交游越五
年襟懷與俱化科名以人重器識王宋亞

帝將試民事俾爾馳遠駕雄風古洮岷符呂用小霸江源澹沮
洳嶽麓猛陵跨西瞻盡隴笮東顧連涇灞羌戎恒難處威信可
鋤詐沿邊近屯田瘠土慶耕稼雲生馬隊來日落茶市罷觀察

樹方面守令所憑藉稽功考群慝如木辨荆柘文入蒞實用密
緻無纖罅溫溫好風度想見整而暇行諸歲功闌俎豆陳臘蜡
江鄉將母情得請暫歸假早春及塗松栢杏嬌欲嫁家山如故
人別易逢迎乍遄征隨北雁回首聆南鷓九姓望千旌跪拜垂
玉靶詩題隨地有似彈求鵲炙三十六峰盤九十九泉瀉山川
增筆力文字重聲價浮生抵瀾浪懶僻從嘲罵子獨謂可人味
痴同噉蔗茲行誠壯往寂處依塵樹泊經炳燈檠相憶過涼夏
微情戀花竹剩欲營五架顯晦或殊塗於義未離舍何時款雙
扉容我科頭迂

題阮吾山行卷四首

開卷循環讀三年爾許詩句奇驚縮舌語妙笑拈髭兄弟近傷
別田園燕不治無勞歎行役行役是閒時

各有臨淮宅新攘卷土來波心澹烟樹夢到夾城隈台寫移家
卷難拋寄興杯因君好詩句懷抱轉恢台

小宋才名重

謂小官

偕行得蔣侯

謂辛仲

霜悽僂作客月悄慣聯舟

險韻攢眉押奇踪縱目收長年窺竊笑癡絕見斯儔

阻風休歎悒曾有順帆時身世聊隨分文章信足奇人經一番
別鬢長數行絲翦燭看行卷差能起我衰

寄懷慶侍郎樹齋三首

隣封昨偶未輸誠彈壓遐荒倚月卿到日已看茶市復坐來眞
覺雪山清遠謀魏絳能紓國奇策陳湯勿喜兵想像攤書消永
夜蕭蕭霜角繞營鳴

相公臨別諭嚴詞報

國行旃勿念私燈下撫孫仍說子歲闌馳札重郵詩排成雁字

霜留影唱到刀環月展眉也識疏襟多慷慨可能南顧免相思
師門恩重八年餘勢分都忘接佩裾清茗一樽醇絮語繁花幾
樹叩深居老懷最怕窮秋別道難傳盡意書幾輩故交新別
去雪窗孤抱對誰攜

詩堂南選秋興
近任華昌觀察

溫硯饋歌

新安方子所弄溫硯饋晚乃歸之惠山寺楚弓既得楚人欣越
客長吟越箋寄寄向春明索和詩久慚鈍澁無才思饋式經營
自二泉樸質都殊七寶製

唐代有七寶硯見
王仁裕開元隨事

取諸既濟肖鼎

形方攜縱橫銘以識堅沍成冰利冶鎔離明出火開文字匠心

世上日爭奇金吉因人匪其器先生正派啓東林心若寒泉湛

且深故山乞去不教去離披短草成孤吟

見顧元慶夷
白齋詩話

此時此

爐製成否細雪繁窗風怒吼摩拂琳腴呼石友溫之且以熨痕

手大異沈烟篆嶠紐側聞墓道樹豐碑瓊琚佩玉大放辭精魂
尙恐石磨滅中宵示夢事絕奇顯震滄先生爲余言曩曾夢人
我冠大帶前告曰我汝鄉人邵
二泉也墓碑將爲人移盡住止之使曉往視途遇華豫原一名
告以故華曰豈有是哉因刺刺語不休比至碑已斷泐矣一名
所繫念在茲懺兮可有神護持方子曠達人老去計非左也如
放路遺楊枝雅具教添妙因果昔遊邗江不示我交臂失之恨
亦頗書生嗜茶耕者硯竹籩遺法性海擅兩事能兼數錫山一
儒一禪相耀綯我今百事寡欣羨剝欲筌疏盲左傳乞靈如覩
先生面想擗霜毫布長卷買服微言供緝繕若觴解結通其變
朱塵誤人歲馳箭願得安壇近琴薦灑墨冬齋尊杜撰

十一月二十八日喜雪三十韻

冷節逾三九瑤霽散大千甫嫌冬久霽終覺候無偏昨夕陰霾
合通宵默禱度雲衣須褰積風勿勒牽簷靜鈴銷響窗虛粉

逗妍急呼童啓戶始覲柳飄綿墮地無聲勝穿庭作勢旋枯林
閒點綴瘦石細沿緣撒麴俄堆砌錢鹽可列邊啓珠難出匣投
玉札連篇世界宜誇富樓臺宛屬仙銀峰排朶朶綺鳳降翩翩
調變關名理禎祥淵有年徐覬銖寸累漸訝滄池填土豚甘承
潤冰心慄共堅多多洵益善皎皎欲通禪騰貴長安米奇零薄
俸錢覩茲饒厚望失喜慕春田蝸蟻摧形影麤麤蔽陌阡汙邪
申吉語利市逮遙區撫已躬誠菲同人樂最便遭時徵愷豫爲
治極昭宣破蔡鳴朝佩唐書貞元中裴度平蔡以十一月二十八日入朝宜孫傲
御筵唐貞觀十七年十一月二十八日誕皇孫曼百僚於宣教閣今年

上舉皇曾孫

璧方呈向趙書已捷馳浪

時漢師已克木邦

再白連初白

堯天是佛天逢人開笑口起舞露華顛縱少尋梅騎猶遲入剡
船屋深儲柏火爐煖透茶烟擁袖支簾坐披帷枕手眠滌觴謀

小飲欲暮竟陶然

十一月三十日雪

喜雪吟成雪遽晴更遲一日更飛英人心暫歡天能補日紀將窮歲兆盈著樹花多妝轉澹迴風勢重落偏輕者同果見深逾尺千里河山玉削平

臘前三白歌

今年社酒宜多罾三白連飛迨殘臘此去春朝五日期天公厚意來重沓及時雪勝及時雨先爲農功布周匝一度飄花一度深田塍喜色連闔閭截肪何曾污脂澤量珠更不煩升合堦前堆垛覺勢重眼底晶明無物雜高擡簾額看迴旋細壓車鸞沒馳轍短松瘦竹寫濃澹宛肖幽人披白搭從知造化耽繪畫汲骨山川粉調醴誰能狀此冷飛白翠墨淋漓費摹搨六年朔雪

斯爲盛得意忘言息噫嗒春梁織布等閒事此是儲糧施衣衾
占定戶戶足葢藏腐朽繒錢歸職納箋天願乞著爲例十年此
景應逢卅層累而加千百年悉教露處棲華榻邇聞滇師大克
捷阿瓦崇墉定摧拉萬里銀沙貼絳旗遐宣露布傳宵蠟降王
面縛走單輅觀我中華玉樓塔自茲甲士化春農穩著烟蓑釋
戎韜生逢太平老無用清興猶堪鼓衰颯呼童掃片煮銅鑪淪
素磁甌啓茶盃上池漱嗽一襟淨枯腸埽殄三彭嚼雪水能煞蟲見水草
北風圖更憶江邨泥滑溪橋芒屨踏酸風逆鼻吟小詩也勝束
帶趨黃閣遠馳狂想增神王近覓同儕幸簪盞南城馮子初西
隣未河料持凍硯勸呵飲急炊鼎飯往招呼夜永拈書交難答

歲晚寫懷三首

五十人前號老翁顏非童壯頂先童當杯遠遠思南食饒屋蕭

蕭撼北風餽歲盤登餉黍白烘花窖趁杏桃紅承明久直原非
望祇愛清霜壓淺蓬

眼眇燈昏手一編旁行注迫獲麟年

時注左傳初稿將卒業

蠶材敢竊挾

經隨晚景猶期獲硯田振袖古香霏蠶紙褰簾殘月隱冰磚斗
思舊日閒心力拋向詞章亦枉然

漸老年華漸益貧歲闌冗事集流塵謀身不作多金想軫念難
忘索米人歡喜緣生兄弟夢清涼境隔水雲津連朝奇富如堪
詔買得探春傲早春

時購盆花數種探春開最盛

次韻璞菴同年唐花四首

海棠

星星石火蘊閒坊幻出青霞襯綺妝久抱冬心耽寂寞類馳春
轡引顛狂低垂也似愁輕雨薄媚翻宜玩凜霜六曲屏風雙樺

燭了無蜂蝶開紅香

蘭

淺亞盆磁靜結根同心歲晚待深論生從煖地情蕭潛笑向寒
齋貌粹溫簾幕有香微吉夢佩環如水認驪魂三枝兩葉煩誰
筆與寫西窗雪影昏

梅

清夢閒依古水涯烏皮几上忽橫斜畧煩東緹傳新力宛見含
冰闕月華翠羽一雙渾未集青峽三百偶從賒邇來北地矜標
格倘老江南又足誇

牡丹

錦灰堆裏過殘年意外名花擢艷偏富貴本宜誇早歲清寒聊
與證初緣免教設色雕欄護忙聽流音羯鼓圓瘦隱山肩病希

逸未應倦賞怯新筵

壺尊宮曆以南果二品見貽走筆報謝二首

橄欖

翠顆青膚入眼明歲闌投餽自宮卿世情祇嗜甘和味此果能
專婢直名醒酒微功消積困點茶酸況助徐清咀從儀舌瀾翻
甚却笑揚州妄置餚

柑

聞說寒漿敵蔗漿包來猶帶洞庭霜殘枝映手不成綠喜色連
眉相間黃千本久思隨榻種一絲端欲亂橙香上元燈火匆匆
到留待分傳仔細嘗

人日同朱笥河馮紹蘭史文量陶然亭登高分得人字

雪亭宴罕下土與冰雪境許閒儔親吹塵比日驚異二說切一

笑輕波句

人曰爲却餘見法苑珠林

都盧勿問徑思出四三友涉寒沙津岩

幾亭子倚佛閣冷落不見幡垂銀千林萬樹葉未擇太璞渾渾

完其真關門聽風述山水

時爲諸公言金焦北固之勝

凭闌寄目闕城闌熏

天侈食匪所慕鬪酒局換炊茶新西巖斜日攬盈手小廨疏梅

開待人青鞵第一痕須記自此番番約討春

移居三首

戊子二月移居琉璃微之火神廟西夾道

擇木孤禽豈易安每緣風勁慮巢寬眼明乍指琉璃界襟淨旁
瞻薜荔壇室小閨人傳語競巷偏客子出車難深宵始覺南榮
好處處支窗有月看

風前小酌別花卮已是丁香破粉時知爾依人情不淺慚予入
骨俗難醫過頭竹記攜甕灌空腹榆經倚檻窺辛苦山僧行脚
慣撫筇循玩去遲遲

厭東西畔結深廬藏海微身一葉如聽鼓越衙塵擾擾打鐘吃
飯步徐徐勢家歇馬評珍玩冷客攤錢問故書倘趁春燈倦游
歷煮茶燒笋幸過余

申南屏停車圖

日月疾轉轂瞬能似車停達人窺其微隨地覓駐程行役山氣
秋楓柏羅缸青遠峰接近巖韜以草木英卽景契心得眼界爲
澄明舊句入新圖髯乎神太清詩人例赴蜀匪特趨其名且作
吏且游瘦筆揚高聲歸田宜早計松桂毋乖盟異時西子湖濁
醕期同傾

寄鄭研農

柏田王子昨停車說子河間近寄居織紵勤應同賣屨數錢工
定慕揚裾地紆一水彌勞望人隔多年未報書古有相思步千

里我誠飽繫子何如

年來宦味一漚輕剩欲環山結桂楹舊業久荒難卜隱高人有術善藏名白頭親可安眠食黃口兒方解送迎搔首燈窗緘札與峭風微雨識茲情

呂氏宅看藤花同籜石官詹慕堂侍御初蘭司直筇河中
允沈樓庶常赴山同年作二首

三日爲期待饒春訪花聊與證前塵青蛇滿壁爭騰彩紫霧漫天欲單人香喻豆棚彌酷烈話隨茗椀出清新湖山倘遂擎舟約此地寧忘挈榼頻

林禽不斷語相催選勝何辭取暇陪高屐短筇吾願足五年三度此中來花如人意開無盡日轉庭陰賞未回有約更尋蕭寺去竹風多處藉蒼苔

海波寺韓宅雙藤爲竹垞老人書屋遺蹟同厚石紉蘭笥
河嵇川晴湖小飲其下晚集嵇川寓齋用竹垞紫藤花

下醉歌韻

竹垞翁逝六十年海波兩藤腴不槁巷子西偏步舍車珍重尋
遊非潦草主人望姓昌黎後延客閒庭薜初掃舉頭火燄拂肩
頰觸鼻香風縈耳腦春光欲去挽仍留想費多金量栲栳當年
蠶尾刺人深此日蜂衙喧日杲山經海志纂黃圖屋尙如舟樹
堪抱才人豈藉職官榮照眼繁枝供絕倒浮生雪浪疊相踰菌
櫨聊同閱昏早撰述真成不死方一辨齊心尊此老罷免猶嗟
久逗留輕帆不遽歸湖島飛英下襲翠樽盤蜜錦來遮素襟襖
差宜飲況繼前修往事文人互評藻街南移席指槐陰燈炮月
高談愈好

秋聲一首寄舍弟述先

秋聲本無心物觸作悲瑣宵分擁衾聽一一如爲我我有同氣
兄新赴重泉下魂悸讀南書痛甚遭割剝愁城爲繭絲外絡中
纏裹蕭寥戶外音雨颯風掀簸不待樹紛披嘈雜無一可何由
塞知聞無計俾暗啞昏燈半壁懸苦淚千行墮有弟住淮陰應
已赴淮左水程三百餘心急掉奔舸入門發奇哀靈旄雪婀娜
遺孤鬱成行幼者鬢猶髻百務待深籌弱力奚以荷緬懷阿兄
姿鳶肩色騰火烈性慨以慷智術妙鎔冶氣欲吞十牛辨可炙
雙輶摧折僅中年斯理眇難揣每詢北來人眠食諳亦頗咸云
兄貌羸懷抱極坎壈憂能傷人茲語信非假父母生我儕珍
惜喻珠顆未見慶充閭先訝隕碩果中流失長年誰與正檣柁
搶攘身後事自大及叢脞圓者削使方博者鑄使橈旁觀手爲

東何策令怙安生平共事多哀樂相排擯別來六改秋歲月
縱筇醒輒愴單行寐輒夢團坐天平太慘苛猝遣丁此禍同懷
五六人大半成癩癩顧我髮蒼蒼亦豈長年者易占棟方撓有
不堪支厦唯我與爾躬肩任非苟且一息尙存諸疇敢謝勞瘁
必戒必洗心毋以玉當瓦鑒水取澄明狀石變磊砢蘭兮苟刈
鋤圖畫存幽朶听夕各勉旃襟袂冀重把

送璞函同年之滇

縛袴從戎跨馬鞍豪情豈免雜辛酸飲逢密友言難擇去適遐
方歲漸闌草檄中宵踰極險忍饑十口寄長安書勲穩附旂常
末同調偕行足自寬

謝蘭泉先生

又送蘭泉前輩

宦味嘗來悟鏡花偏令持橐走天涯元戎料敵資奇策

聖代憐才棄薄瑕
縫線慈親教報

國挽髮嬌女問還家
獵人風土閒登記不獨編詩異日誇

送萬黍維上舍南歸

名父留貽善本書
單心研誦廿年餘
古裝大異描眉樣
別袂輕揮落葉初冬
釀靜偕孱弟飲春
田閒課短童鋤國
山雪淨巒頭擁悔
不于中共結廬

招友人看菊

秋來奚止一端悲
強理歡情對菊枝
高下紅黃疑襲錦
淺深屏障勝安籬
疏櫺月到霜難到
佳種開遲謬亦遲
頗怪故人稀問訊
連宵空貯酒盈瓶

次韻和寄查儉堂太守

箋來剛是雪來初
爲報萍踪又徙居
大郡擁旌成治久
蕭齋臥

疾得詩疏千山極目增寒景一夕開顏對遺書君仕未衰吾倦
矣金閨近擬縮精廬

放歌

老夫行年五十百無一能祇捉筆奏牘連行烏作焉官書纂
義十遺七譏姍譌訶雜然至時復關門引微疾季冬行及仲冬
畢風緊簷頭吹鸞巢璫簾布幄下層層宛爾重綿裹蠟蟲詩騷
子史羅滿架嗜若兒曹慕梨栗審音高下勘唐韻斷義精粗申
漢律眼底清明翳障除胸中磊砢光怪出自有蕭閒自弗耽日
日從人甘縛極不求空山餌芝朮不理荒園種柑橘待築書樓
四五間井深汲用長繩縞朝光熒熒花散苾夜深沈沈燭挑塋
數甌白粥可扶身三尺烏皮足容膝視死生如經旦暮貧賤知
非難人術生平茹藥同食蜜誰信蓮枯猶有密蹊田正好爲飯

牛啖趙行且潛吞蛭掉首終慚出世遲白髮盈顛不堪櫛吳門
烟水一千頃何日歸舟月涓吉吾蛇尙在喜方溢吾舌猶存語
毋失窗前雪花灑蒙密起舞長歌用自逸欹枕惜騰上初日

申拂珊前輩補光祿卿詩以賀之

經年怕見策單車豈他人祇在余三品幸增新俸秩一生端
賴古詩書雖殊執簡威棱重已覺調梅氣象舒轉欲向公陳淺
語單心勤職勿求餘

次韻筍河學士同人陶然亭對雪過余寓齋小飲作

枯林向夕投窮鳥深居祇用書圍繞研誦徐耽理趣生儼陟層
巖展佳眺亞堦明明憫初雪自卷簾看燈自挑雲衣凍結不輕
飛玉龍尾大知難掉狂飈疾撼膚粟疹曲几閒憑爐篆裊蒼琅
遽聞傳急響葉葉履聲來不少爲言同陟孤亭上盡闢軒窗送

清瞭西山忽變作銀海海靜不揚波浩渺眼中奇絕賞縹緲脚
次瑩然增慧曉我雖未遊興弗淺萬象來歸虛室晶曷不招呼
共駕車九州鎔鐵錯非小唯將少許傲多許殘片簷端仍了了
笋藥作馨魚炙爛姑爲鶴愁毋鴻矯諸公爾時異訪戴賤子明
年將過趙江南塞北起長嗟暮景懷人風月悄讀畫誰將首頻
肯評茶孰以手爭遙矧我年來憂患深澆愁懷復持香醪促坐
差宜夜縱談藉舌瀾翻祛謔緼韓子幸交籍省難魯人欣
得湫何當寫作歲寒圖如雪襟期如日敞選游易耳得朋難念
之彌使心旌擾

寄懷慶潤齋二首

春風披拂葢牟城晴雨都宜驗政平堤柳又看新葉吐山泉唯
對長官清想應撫卷投閒坐悔未持觴送道行碌碌近慚無好

狀鏡中雙鬢雪添莖

吾師黃閣密調元暇輒深居杜里門雅有謳吟懷令子新承
恩澤喜諸昆五兄擢任
十弟授職書生作吏增貧況農事興歌播遠村眇
眇心期托蘭茝古人風誼我思存

雪意

穠穠凍雀語相呼遑木叢叢澹欲無四野風聲歸寂靜一天雪
氣罩模糊占時野老籠羔袖卜晝驅人炙酒壺景到將然未然
際物情欣願總難摹

正月五日至八日雪

油窗曉色太分明起揭簾旌見拂縈開市收聲歸閣靜虛堂歛
抱對寒清舞空有勢踪難定琢物無心象自呈比似沐膏吟好
雨同功異態仰生成

南方雪屈春嫌苦

江南農家以春雪爲苦雪

北地能令稼作甘花瓣拈來剛

綴六日車推過已逾三揮鞭驢背抽思緩試手龍公作戲酣淮

浦斷橋波一曲幾人維艇事幽探

疊韻奉和鏡山掌科病起同人載酒相遇之作

僕辭生客戶恒扇鳬足燈緣我輩青病起心情書在手春來風
物草盈庭雅宜沈酒賓兼主底用矜妍影答形細煮月團澆舌
本夜談能使倦懷醒

聞治藥餌導關扇小惡彌看電眼青載酒雪光侵暖席賭替花
氣撲閒庭春回不減風霜信交澹渾忘爾我形葷食尚稀方恃
粥且拚客醉主長醒

晴

十日晦方晴東風大有情人懷尋樂意烏減怯寒聲沼底雲光

動林端雪點輕差宜把書卷卷幔下廊行

簡河學士椒花吟舫盆花特盛暇日奉訪率成一首

山礬雪白鼠姑紅一領茸裘坐向中清福轉容貧境占飽看差
許故人同休憑七椀茶消興倘擬千篇句關工見說豪家花列
幄未妨有限傲無窮

正月二十四日雪

細壓春田豈厭多漸晴彌覺氣溫和餘明著砌休輕掃令節回
頭已倏過賞處爐烟仍篆紐銷時山影易浮螺待他滑滑泥乾
後拄杖青原聽鳥歌

春來

春來一月晴三日人近衰年減壯遊新得異書剛慰眼舊栽小
樹漸過頭關門苦謝匆匆客煮粥食嘗淺淺甌頗憶江南梅信

早橫溪壓港冷香浮

夜聞歸雁有作

數聲凄切自南來
還向簷前落枕隈
整娖舊行知已失
荒涼故土慮難迴
應防處處饒弓繳
豈戀區區足米苔
老屋昏燈耿無寐
攬衣中夜起徘徊

比日寒甚率爾成咏

東皇端不吝陽和
姑爲元冬續一波
日漏雪根呈黧澹
山含雪影失坡陀
池光欲動冰仍合
爐炭重然手屢呵
穩下毳簾掩關坐
從伊門外雨風多

五十年過二

五十年過二三春
候適中茗爐隨處處
花徑步匆匆歸夢入
遙夜醉吟當晚風
都無希幸事差擬信
天翁

題畫

烟中柔艸一枝枝
亂落楊花撲酒旗
願憶清淮三月盡
半晴半雨倚欄時

三月十七日法源寺看海棠二首

時蘄陽試事甫畢

險負名花悞却春
花能含蕊待游人
醉伊入手三杯釀
洗我填胸十斛塵
身外有何關得失
眼中隨分覩清新
孤行僻坐皆恬適
斗覺回頭太苦辛

謝了緋桃趁海棠
借花聊欲逞清狂
詎謂也自關名理
綯爛纔堪證道場
風雨已曾經小劫
蝶蜂原不遇殊香
四三日尙能供賞
取暇仍思命急觴

十八日重過法源寺看海棠作

花未闌珊貴數來
晚風蕭寺靜無埃
欄斜徑曲當增見
雨掠晴

烘盡意開久坐漸聽禽曉晚遲歸剛與月徘徊繁枝欲扣徵因

果寺僧懸牌於樹寫因
果經戒游入折花

义手巡行復幾回

訪寒葭潭故居丁香作

前度人尋舊折枝出簷高格益爭奇攜家徑去真成忍躡屐重
來勿訝遲新露柔風相掩拂疏香妙態自矜持款門例不煩詢
主幽榭聊須憇片時

法源寺看牡丹同徐隣哉前輩作

舊識天紅一徑斜春光知定戀毗耶偶成西笑偕前侶不負東
風賴此花幾輩游人俯欄檻片時清語却茶瓜慈恩枉說唐年
盛今事仍須向昔誇

得假言歸漫成四首

七載流光指一彈看花走馬興都闌得閒且飲陶公酒有口重

彈貢叟冠匡坐徐徐理書卷欹眠昔昔夢漁竿浮家泛宅眞長策要與汀鷗證歲寒

入袋猢猻上竹鮎幾回持鏡感霜髯官書百卷從擔去病牒三行有印鈐暢好掠波馳雨櫂雅宜炙背近冬檐閨人那解投閒意晚火疏窗怨語添

面面欄低藥圃紅可知希逸怯春風千毫揮罷情都懶一瓣嘗來腹已充寡學他年思晚植多尤中夜省微躬箋天有願非難副半畝涼花近竹宮

晚景渾如風利船豈煩百丈纜徐牽舌存齒敝良多悟瓦智金昏信可憐楓葉冷搖千岫雨梅花香破一溪烟饒他饑凍驅人走不廢探山玩水緣

送陳復初中翰南歸

觸熱行裝冷性情接天雲水認歸程
離杯入手花光暗官味回
頭雨點輕力學更須持弱體思親無那別難兄
橋西選宅吾將
隱拄杖敲門免送迎

寄懷王孟樓

白藕花間雪鷺群出塵風味想平分
眼中建水如珪月袖底焦
昂琢葉雲湖海氣高難卜隱
椒蘭香重勿逢熏
開秋鼓楫謀相
就自譜新歌定許聞

胡萊汀挽詞三首

殘春握手愕然驚病骨支離改故形
時出緒言評卷軸了無清
興對壘瓶灰心久爲貧相迫
蹙額潛憂藥少靈
一片金臺烟草
色引人思舊揚新銘

鈴墻鴉鳴古寺昏挑燈雨夕做禪門

庚午歲同寓法源寺

薺甘荼苦原相

共雲散風流忍重論烟水歸舟魂欲語星辰經舍手曾捫

君長于象

緯之

驚才絕代如斯止仰叩蒼靈默不言

科試逢年祇益勞供人煎煉是明膏青編枉喻兼金貴白戰猶
持寸鐵鑿荒塚崢嶸埋紙筆故箱蕭瑟罕巾袍脫驂誰會貧交
葬下拜吾將爲伯高

題張曉巖前輩空山鼓琴圖

詩人貴領悟了不繫吟諷偶茲託圖畫遂享雲烟供七絃響冷
泠妙諦相錯綜山靜語禽稀池平落花重此中著想難有觸如
覺夢五音南土偏斯語豈奇中月華蕩虛簷目寓指時縱行試
武夷游一曲聆一弄

題任幼植儀部雪屋箋經圖

老屋雪封如裹繭樸樸染桐渾不辨伊唔時出讀書聲人與梅

花俱偃蹇叩渠所讀何典籍二禮周官日數卷熟諷巧心徐自
生沈思妙義深可吮祖鄭非關樹義偏規買能教瀾舌捲昔敖
楊氏今盛蔡撰述專家極繁衍自繪新圖縱復橫時出大篇典
而顯知從衆經通一經史子集皆供闕闕儼登高龐呼順風若
濬巨川達遙畝功之衣被在後世服有緝緣車有憚其人貌古
學愈古未肯塵埃終踏踐昨者綴科授儀部旋整歸裝問溪編
上堂起居掃書閣窗竹羅羅覆堦蘚擁袞卒業過三冬故紙堆
中情不淺指僵尙作字蟬聯涕凍猶傳音宛轉空山老衲叩鍾
魚貝葉勤繙知黽勉吾儕生幸號爲儒往往東書甘劣謏吾子
眞能自強者一貧相迫以樂遣更施餘技託謳吟清緒旁流冷
然善我甫欲歸子先去披圖有美鬢頻撚過江昇日約比隣冒
雨行畦持鐔錢課耕取暇訂經疑并坐汀南柳絲軟

題習莽爇燭修書小影

常時造君廬盈几皆官書紛若箔簇蠶多於懶祭魚破窗榻塵
凝匡坐勤爬梳炎月不揮扇寒天不炙爐客來漫酌接神志猶
拘拘問子奚自苦一笑自捋鬚三館流輩中疇能似子劬他日
出此圖撫卷爲軒渠曩吾窺其藩未識子樂且桐堦月露清涼
幙風卷舒兩鬢澹妝束綵繚揚紈裾焚香立楚楚秉燭來徐徐
蓮花吐青燄雁足承綠趺餘明有可繼人定開卷初雖曰寄閒
情未敢卽燕居要之此景光集苑匪集枯帖且揭雙鉤文定成
連珠裒然覩巨帙功伐錄彼姝昨者過江來大婦新登艫琴絃
續高唱明鏡懸綺疏茲圖倘瞥見薄怒寧免夫願君益恢張勿
用長柄驅行看施絳帳女樂環生徒

蓬心爲余作吳門小築圖並系詩四首走筆報謝

吾生大抵爲形役彈指春明七年客衰病侵陵遂欲歸歸時得
下吳門宅吳門迤西山水好曠昔曾游今頗憶彼間况復盛人
玄癸止寒山一片石卽無人構若思居定有路通遙集屐無田
亦歸免貪誚有書可讀真奇策邇者相邀作圖畫暇日唯教先
決擇厨人捉刀理蔬膳奴子掃庭治硯席君來攢眉稱小惡河
魚腹疾作逾劇半稿未成呼促駕寸厓不盡矧行炙吁嗟一畫
且艱難况果結廬終托迹茲圖補來二句決律體四篇蒙附益
綴景分明肖石湖涼烟薄霧疏疏織一船一塢皆有思何福能
承此蕭寂子實吳人羨此行話到鄉園情惻惻年來爲我成卷
幅慘澹中間尤著力我報以詩亦屢屢大葉粗枝罕雕刻此詩
此畫告同儕蓋贈行裝揮數則說經舊約任儀部事佛行偕羅
古德

謂幼植泊

臺山孝廉

歸思於今益浩然看取檣竿入雲直

鄭晴波同年索題其先祖職方公影園圖記爲賦一首

士生值亂世生死良細事要其始中終率履貴無媿影園職方
園記其所自記遺址吾熟經裔孫況同輩豈惟對圖畫風概久
默識有明邁末運九域驚鼎沸二寇未殲除四鎮復驕肆騰踔
高家軍宜薄邦溝次職方舊識高排難施游說全城所托命運
作一身計奈何謠詠興群小競疑忌歷稽前史蹟覆轍必相繼
段公猜越石信國逃李帥賢哲且若斯況彼與臺隸唇舌枉翻
瀾肝腦倏塗地無何恩命下秩授人已逝使公不遽死閤部亦
旋至終且與俱亡先驅如有意方其假歸時泉壑駕所稅爲園
十畝寬擇木千章藝客來角文酒解帶松雲際乃知生平居貴
以逸養氣養之旣純全毫髮審義利捐軀赴急難輕若脫屣視
百二十年餘臺沼益荒廢裔孫錄遺筆委曲托名繪池涵花閣

清苔覆板橋翠文傳景周折圖亦與之儷寧知碧血化但覺蒼
烟霽一樹亦堪思一石亦當拜行將挂帆去園側蜻蛉繫冷塢
弔殘梅呼公三爵醅

勉行堂詩集卷二十一

古歙 程晉芳 魚門

南船小草

起巳丑九月
盡十一月

都門留別十首

酒闌風細月當天始信今宵是別筵
千里清霜游子夢一灣寒水郭門船
休論隔歲重攜手難定茲行果結緣
落絮飄花知分定且持瓶鉢學安禪

弱息孱妻尙寄茲江鄉去索米來炊貧人作計都成左拙性干時未是宜待訪雲山尋釣侶暑嘗櫻筍過花時吳烟越水相須甚收拾唯應付小詩

交到群賢信坦真曾無三日阻清塵停車不畏宵行警拒客唯防倦僕瞋試挈芳樽穿柳去更攜襪被翦燈論謂伯思佛宮大有

忘情樹照見將離亦愴神

時于廣渠門之古寺言別

歐血酸辛淚浥衣憫予搗翼惜將歸

謂竹君學士

一條冰雪腸相映

千古文章事共依玉體珍宜加別後金人誠願懷危機冬齋知

定偕馮子

謂初蘭比部

細數行踪對落暉

屢從松亭月照營馳書頻勸緩趨程

謂于師印

醉恩無地身將老

覓食于今事不輕公向羈棲謀築室我寧長往待編楹銜卮款

語非無日祇歎蒼茫作此行

肯學文昌諷退之花天奕陣久追隨

謂仲師露

病餘未絕狂吟侶

謂鏡山給諫

監罷閑臨聖教碑果痔木癰相類甚衲衣經卷授來時

定書粉版過吳子

謂百藥前輩

玩世逢伊著鹿皮

未得休官觀去官憐他厚石病初安青門饒共東陽沈

謂沈機農部

白髮繁于騎省潘與貸兼金償累急勸澆九醞賞秋殘朋簪只

有春明盛小別匆匆境大難

踪跡年來喻角張卸裝人對打包忙茶烟裊翠三楹隔

謂彩亭前輩

書本研朱百卷藏

謂竹汀前輩

聚似春禽吟日暖行隨秋葉卷風狂

豈惟給諫追難及

謂蔡堂給諫

絮語無因對六郎

謂姬傳儀部

纔試閒曹便欲休鷺川臨別益工愁雲間派許題長紙

謂白華昆季准

穆堂

甘井隣邀共夜舟

午樓與習菴同寓頃偕余南返

苦調淒淒難入耳征人

去去屢回頭長波日夜東南下也有旋潮赴北流

渡口他時折嶺梅九門風雪驛初來何人寫偈焚香坐

謂竹虛侍讀

若個停琴選竹栽

謂擇石怪齋諸公

鐵嶺戍隨涼雁至金沙騎逐暖雲

回者番藏海廬招集五字聯吟倒百杯

舟發潞河漫成同雲椒午樓作

舵長鄉音久不聞登艫觸聽已微欣未遑十口謀歸隱且喜三

人話夜分設色漸多黃葉岸無心又對白鷗群閒程那計舟行
緩從遺淤沙閣水紋

贈香河明府徐圖南四兄

作吏信非易看君髭髮斑高城新版築流戶益歸還束帶趨大
府把書成小閒隣封去平讞往往關榛菅

習俗知難革高才果累人堅持冰雪操靜對雨風晨種秫猶虛
計看山得此身談餘微喜色孫竹長初筠

忽忽辭家去西風作暮寒勞君解清俸爲我設珍餐各有艱辛
境深知去住難臨歧一揮手碧月照澄湍

舟次言懷

也算還家也別家秋帆影逐雁繩斜鄉園榑舍竟何託京國宦
情良有涯且欲銜卮對松菊漸欣登饌足魚鰕萍因絮果休援

證隨地逢迎卽鏡花

觀漁人撒網漫成三絕句

縷縷殘霞隱暮山打魚人在白蘋灣
何曾減却江南景燈雜寒星出葦間

船頭蹲坐網頻張高樹團團夕照黃
省識世間無止境占來閒地也須忙

寒水魚潛不上波網維施設待如何
旁觀束手休相笑空網從來撒最多

阻風

纔掛帆行旋泊舟茫茫古水引新愁
沙禽急起投溪岸葉爭飛打客頭
此味當年曾習慣生涯何地不淹留
掩窗拚作提衾卧到曉顛聲也合休

津門鼓櫓行

春光如醉秋如醒客子逢秋心目炯日彩澄鮮月魄圓照人襟
袂逾晶瑩匡居已自足歡喜况掠晴波搖短艇不緣行役詎游
覽綠阪青巘判高迥岸容曲曲屢迴腰柳影垂垂未髡頂通潞
亭邊昨解維河漢沙淤船數潭以篙群拽類簇箭用力獨扛如
舉鼎不嫌賤子鼈羈身深憫舟人寒沒脛無何怪雨又翻盆掀
簸狂風疑震霆艱難幾日達津門倏爾大波開浩濶天清景明
氣平善盡得欣娛忘患悻此地由來一都會血肉中間成聚肯
直沽丁沽帶圍繞西山篋山笏指庭估舶漁帆遠近來淵魚雲
鳥飛潛並仕女梳鬟髮髻偏遊人盛服裳衣裝琵琶響急阮箏
緩碧檻紅樓邀酩酊從教塗飾足粉繡我已安心守麻糶胸中
自具瀟灑寬不用登臚窺淇津乘風從此溯江南故家兄弟遙

相訂同舟況喜得兩賢如玉之溫金澤洗推蓬眺遠輒肩齊停
筆敲詩頻首肯較論身世升沈事評泊文章甲乙等爾我居然
接鳬侶鄉國多應荒鹿町且持霜螯買滄酒莫挑燈蟲淪吳茗
平生此聚亦因緣異日遐追思欬謦沙鷗豈解客狂吟飛入叢
葭破煙暝

對月次午樓韻

蟾彩明明桂影涼照他河水不漸衰幾家靜閉惟依樹獨鳥頻
呼似怯霜始覺羈人無暖景又攜清夢去寒塘舟中第一回圓
月曉起尋思未杳茫

黃葉

倦眼明虛驛秋林幾樹黃清惟鑒澄水澹不受斜陽已濯三秋
雨曾霑九夜霜苦心成老態高契得禪裝莫漫驚搖落猶堪傲

景光西風人策馬寒月烏棲塘淺淺無深色疏疏少密行酒悲
生掩冉詩思引微茫便欲支藤杖從茲訪荻莊年華紛似掃吾
道寂堪傷蟲語香燈暗琴捶石磴涼蕭然鎖相對飛葉攪裾裳

燭花

體結誠因熱頭繁祇自然簇趺紅玉輭翹朶絳繒圓蒂弱仍拈
蠟臺重忽湧蓮多多含意蕊暝暝護心田朗極翻微暗中分或
近偏幾曾和露種聊可緩蘭煎勢重防先墜光收取薄妍非香
還選艷是色也通禪但惜灰成錦何知淚滴泉獨挑情未忍雙
照影彌憐几曲屏低掩宵清漏疊傳酒頻催蓋底風不到簾前
吐寸能爭月交枝欲化烟話深渾忘翦詩急免教鐫緬邈長征
客冥濛小雨天有何欣喜事窗眼弄蟬聯

聞鐘

到耳生微聽鐘聲出遠林似隨流水影能引入山心響寂頗疑
續旨深如可尋月寒烟盡處應向此中沈

詠鴨

淺泛恒依岸群喧不避人行藏與萍近氣味得鷗親頂綠能欺
草跌紅愛拍漚都忘爭鬪意未羨畫欄春

寒蝶

已到飄零候寧憂生理微繞荒園畔去近衰草叢飛嗅菊逢霜
緊棲蘭得露稀夢清渾欲化舞歇竟何歸烘日粉全褪翻風影
不肥擬憑團扇畫團扇事先非

題雲椒蘭韻堂集五絕句

裁翦冰花琢玉痕慣慕清景唱高言韓吳體格居然見細膩風
光骨幹存

著色不多真諦在耐人咀味儘尋看香住香重都無取吐屬幽微直是蘭

到處句留逸興乘筇屨機帽一枝藤東南勝境歸行巷半屬錢塘半秣陵

兩載秋窗鏡掩塵幾曾傾視及他人偶然寄得閒情在秀色西

番咏洛神

近集有題西番美人及洛神圖詩

卿雲糾縵

殿庭隅賡和年來叶典謨須識玉堂推作手轉緣胸次貯江湖

題午樓蟬雪山房詩集次陳句山前輩韻一首

倚窗新句見量裁更索全編讀幾回長撥秋心無近語卷舒錦段歎斯才玉溪以後嗣音少金馬諸賢拱手推紅樹吟蟬山雪霽就中清景妙能該

裴公宅子陸公莊不藉家聲自樹強錦瑟如人他日感烏裘衝
雨十年忙清詩有味抄名紙賤子無端觸冷腸較爾春秋逾半
倍飽曾領畧此風光

燒香曲用玉溪韻

倉琅掩夜雙懸魚花幙穗涼飄粉鬢髹文橫几鵲尾爐畫屏倒
影垂青蕖錦囊圻封碎檀炷睡蝶驚飛燕呼母摺繡勻紗護絳
窗只許濃烟向中吐珠斗迷離桂影昏寶書細字銷愁悶丁東
墜漏曼瑤瑟裊裊翠綫通吟魂蒼龍涎白化雲氣繆繞皆傳不
平意綃帷夢去暖氤氲鸚鵡調簧說香事論石量燒勿限度架
上紅薇少新露

梨

壓擔秋梨白油坊小市清刀輕冰片削手重雪團擎渴肺寒漿

潤疏牙爽氣生精麤辨藥易肌理最分明

柿

磊磊繫驢背是能充晚饔鞭搖越日影口嚼爛霞茸品或在中
下味仍兼澹濃轉頭看餘葉火傘尙重重

憶菊

禁霜露風雨烟月蜂蝶
蟹酒黃昏籬徑等字

蘭若多培菊京華舊擅茲官卑趁閑事意得選清枝磊砢花頭
重紛披葉脚垂輕紅卷綃紵大玉捧盤匱種每標洋異名偏闕
蜀奇移從古松舍擔自小沙彌摺疊屏雙掩分張壘四維淺深
搖壁影高下亂燈絲邇日剛逢候佳晨悉付誰短轅停小巷瘦
策拄苔墀何處尤誇勝相邀試共追當叢繞迴匝惜價立羈縻
自歎懸帆去行經野水涯空空難入手賑賑祇勞思近事三秋
誤前期一載遲江南豈無此到已過芳時

廢園有感三首

雨裏頽垣損荔衣，朱門盡日鎖烟霏。
梁空燕挾全家去，花少蜂尋別徑飛。
荒店夢知酣與醒，太清游果是耶非。
當時選舞徵歌急，早有旁觀諷式微。

竹館蘭軒貯異書，往來評榷盡歐虞。
塞垣回首停霜雪，詩句從人入畫圖。
曾訝王陽富車馬，敢輕郭解肖侏儒。
私情公罪難相掩，清淚無端到綠蕪。

崔鄭門楣水樣清，百年小劫示虧盈。
韓重花已操長算，戴九江仍損政聲。
好事玉山饒勝賞，誇人金谷太知名。
達生倘悟蒙莊理，游屐何煩繼尚平。

秋懷十一首用昌黎韻

孤蘭生何庸，不敵黍稷疑。
嚴霜隕草木，憔悴與俱已。
如何空谷

操偏感幽人耳良由抱至潔有觸必興起置之繁艷中澹泊了
無似士生握奇珍泛跡罕依恃冥心尊古賢歛足就中軌自好
誠足多奚必爲世喜

衰顏不再腴古鏡灼新悴愧非松柏姿挺立最寒地搜吟適自
斲薄游取微恣老氏守雌黑公孫辨同異學勿師專家葆已信
爲貴

秋容太晶熒秋氣少柔曼風搖沙浦燈月照夜船飯言從解組
歸靜愜疏放願由來當境決不待妻孥勸人生無百年結念浩
盈萬犧防文錦披禽拔翠羽獻椿菌各天游造物無恩怨

鷺鳥擊淺草氣勢含冰凌蟋蟀亦謀居戀暖惟癡蠅因時感所
歷得失明愛憎霜威所磨斲是物皆有稜潛蝶不黏竿潛魚不
投罾了了乘化機以逕爲多能

鐘定人罷行露零蟲有警擁衾意熒熒聽漏宵永永暗水得窗
明敗葉挾風猛羈情非一緒徐引如綫綆安居彼何人自不知
厚幸白板兩漁扉心跡幾時扉

衰齡始舉男弱可慰遲景夜啼聞聲呱曉視憐目罔如何彌月
餘翁去成泛梗丈夫多遠懷負劒非浪聘他時候門迎問事挽
鬚請

盈縮契元功至明貴用暗必逢嚴肅候生物始無憾幽幽古蟾
魄下傍虛室瞰萬象爭餘妍約之以虛澹萌芽蓄寒序春及始
觴盞奈何士棲棲舍久計其誓要當如虛舟縱去不施纜有琴
供撥彈有書待點勘饑寒細事耳豈復慮儲飭

帆葉入秋聲舉舉何軒軒兩堤駛如馬雪浪隨之奔缺月耿餘
照舟人多夜言行篋有故書拂几陳我前寧知是水宿且復耽

霞餐詞章雖小事曩昔曾親編浩蕩六經旨一語該數千甘和
識正味不復貪鹹酸願得日研討箋疏隨食眠娛已亦云足豈
以傳他年

秋盡潦雨收后土皆曠乾明星耀宵宇磊落垂珠玕夜久氣森
森露白不成團孤懷多默感轉側眠未安推篷視川野靜波躍
微瀾生涯隨日月跳躑如彈丸不遣霜壓舟則爲塵沒鞍

淒淒秋士居搖筆成秋聲窗草謝衆綠夜燈含小明心孤抱百
憂境寂懷一誠淺觸輒深契寸積俄尺盈選樂無近方衝愁出
奇兵唯應謀酩酊跛脚當南榮桂熏椒檄焚自促非人令

南濱行漸及書問弟安好七年風雨期握手苦不早骨肉予與
汝晚歲各自保冬齋一笑春花蕊紅不槁人生聚實難貧賤安
足道

寄懷趙緘齋比部

風雨誠知出郭難，又傳避酒去淮干。
掃庭自愛榕陰直，入世休驚絮影殘。
舊夢燕雲含凍雪，新愁衛水弄秋瀾。
故應早擘紅箋，寄搖艇匆匆惜未看。

聽雨

今夜江湖夢始成，瀟瀟雨雜小波聲。
徐敲枕畔生寒思，細滴蓬根有故情。
人與沙禽俱冷澹，風搖漏燭欠分明。
更添葭荻稀疏響，便是三吳兩越行。

桅燈和雲椒韻

高引絙繩附巨竿，舟行傍夕一燈安。
明光落樹不成映，暖影入波終自寒。
浙浙最防微雨灑，星星又逐曉風殘。
憐他曳纜人辛苦，頻向沙堤掉首看。

浪花

欹枕看奔浪紛如花怒開雕鏤銀幾葉排垛雪千堆側犯紋方
疊中衝艷更哀舟輕梭一擲篙急羽雙裁顛舞隨芳絮盤旋學
冷梅爭明露蘭臉亂泣粉蓮腮水種元無骨雲姿不受埃逆風
呈的鰈因雨妙灤洞草草寧分辨浮浮未託荻吹噓到瑤蕊包
孕得珠胎湧屋金神護爲山玉貌頽高從低處落前被後來推
繁朶愁兼集狂枝恨並栽奈他寒簇簇做就白皚皚灑定紫虛
檻飛難入淺杯鷗嬉留影乍月漾透痕纔稍見平於掌深知幻
是媒古今何限事勞爾暗相催

十月三日舟泊武城紀事

忽聞收纜語誼証已曳南船墮急洪滅頂幾人無可拯切膚往
事畧相同丁丑歲予覆舟於廣陵之頃教閣筆忘孤咏奚忍持

杯禦冷風繫艇荒堤經日住雪花何限打烟篷

檢舊作覆船詩再題一首

舊事尋思又此奇星周隱舍路分歧前因有定終無謂野哭頻
聞祇益悲三日好風行十里一川寒色偃雙陂自武城之西移舟近城以待訟
決從知贈贈關天意準勅唯教補惡詩

舟發武城漫述二首

水濱祇合移風檄昆玉何堪覓鵲償盜指不疑誠影響詭加曾
予太荒唐身依磨蝎頻遭謗星家以月爲身主牙可穿墉未易量留僕

寒郊須訟息霜天晚景最蒼涼

行路難曾喻上天江湖風味轉茫然每懷覺岸期投筏又向中
流看失船文致語爲蠅翼附更番辯脫璽絲纒何當老屋三間
住長謝高檣短轂緣

咏舟中花卉畫屏八首

三兩坼寒塢好風時一吹轉頭覓香氣不覺度橋遲

梅

紫衣素爲緣含毫吐綿邈但解琢春妍何曾掃眉學

辛夷

影落鵝溪絹嫣然笑靨開分明簫笛舫載得小紅回

桃

三十六體詩妍麗肖花格記向法源游與說禪一則

海棠

恒持澹泊心爲閱繁華過穩重看屏中露寒清夢破

牡丹

百枝爲一枝細路簇圓錦應悔拋青春面目作冰冷

繡毬

收水種仙蒲別有艷於火中庭綠意深賴此相印可

石榴

誰此凭闌干瞥見嬌欲語淡寫一枝紅含顰奈多雨

荷

晚霞

日脚微茫隱下春幻成霞氣散重重溪光乍展練明淨樹影忽
如金鑄鎔瓊玉有痕傳昇彩舊花隨意吐新茸清能涵碧宜占

霽澹不成紅欲作冬冉冉舞裾憐旖旎軒軒仙帔孰裁縫輕依
野艇疑皴畫平學流雲未起峯銀瀑千條剛界斷蒼烟幾轉又
相逢尾披竟作雙魚貫路細頻看一鳥衝漸共涼烟收宿霽畧
分暖色映衰容達夫心事如堪寄指點遙空倚翠筇

聞歌

響細調難圓徐聽枕手眠有風來水際流怨到燈前各抱纏綿
思煩伊一口傳

沈石田楓落吳江冷圖

沙平石淨秋娟娟風凋葉紅波悄然清雲垂空雁拍水野色做
暝鴉翻烟畫家自具詩家骨句裏描摹罄毫髮阿誰且飲且牽
船渡口漁燈大於月

第二回圓月

第二回圓月無慘倚檻看水程纔及半霜色慄生寒牖密穿仍
透宵長落最難舟人閒計語晦日達淮安

水禽四絕句

雪頂飄蕭立水隈漁兄漁弟久無猜白荷花外秋雲濕瘦影何
從辨去來

鷺

泛時汀草連雲秀棲處堤沙簇錦鮮水閣有人相對嬾平分
色掃花眠

灘鴻

軀餘誠微態最穠遊人悄悄下池東驀然飛入竹深處襯託桃

花無限紅

翡翠

曬翅魚梁只片時又看連隊去長陂自圖一飽非難事忍餓依
人大是奇

鷗鷺

聽雨疊前韻

昨夜清蟾吐不成五更雨作打蓬聲淙淙似共長川響纖細能
添小睡情艇子徐牽剛欲泊窗棂逼曉轉難明未妨冷意頻催
雪墜絮飄花送客行

魯連臺

敗姬爲火兆嬴秦六姓紛拏蟻附塵一笑星光迴帝座尺書兩
泣隕燕臣肯如黃鵠矜長觜自跨朱魚涉遠津片石荒臺表東
海泱泱風氣見斯人

寒色次雪椒韻

天涯倦旅過殘秋寒色蒼茫引薄愁平岫乍凋眉葉秀渟川漸
異眼波流烟沈不見稀疏樹霧淺能迷缺巖洲西崦日華殊慘
澹北軒風力太矜適晴非弄暝光偏暗清到無痕畫忽收使我
恹惶恒聳膊何人招悵怯登樓雅宜鍵戶呼名酒誰遣趨程曳

短裘歛盡雲容開大野
釀成霜氣壓虛舟
恢張肅景交元律
領畧酸情歎白頭
江上梅花諳冷信
應含小朵對輕鷗

午樓煎龍井茶共試漫成二絕句

索茗聊須助快談
故人開箬檢清函
七年布幔收天水
何似來嘗北汶甘

此品今爲第二茶
未經小雨滴泉花
開春準赴西湖約
堅坐溪頭看揀芽

喜晴疊聽雨韻

比日沈陰雨未成
曉聞乾鵲喚晴聲
碧波打槳凌虛景
紅縷穿窗得暖情
綏曳裘當蓬底坐
細抄書益眼邊明
順帆輕駛南鄉近
鱗次何憂閘阻行

太白樓

在濟寧城南隅

當年賀李此交親
落日崇樓氣尚新
三面下臨千派水
一時超絕兩狂人
大都玩世唯憑酒
未有稱詩不出塵
雲樹相輝對江表
翠螺黃鶴總嶙峋

王仲宣墓

弱體爲文力尚堪
齊東墓樹冷光含
人生難得藏書讀
世味曾同覆局諳
諫出陳思深惻愴
碑如德祖默尋探
依曹事業輸荀許
獨步何妨老漢南

木瓜分得佳韻

也附匏瓜宿鵝兒
色嫩佳磁盤宜小
貯筒布與頻揩引
睡得甜味咏詩
增古懷山礬相映
帶雅致是冬齋

臺莊水淺同人各易小舟南下賦別四首

三里郵亭達古徐
題襟未了遽分裾
惘惘河那許高帆
渡專席差

宜小牒居遵陸幾時同白雁胠沙前夕類儵魚艱難淹滯頻相累感激諸君尙戀余

聽雨聽風驛漏遲幾開口笑幾攢眉豈能從此鍵雙戶長是相

思過六時春及旋催雲外騎

雲椒將於正月北上

花明閒葺柳邊茨

謂午樓

迹征不用逢人說舉示新編唱和詩

冥目搜吟袖手敲併將新境付長鈔酒殫食繼逢需義水絡山

連得蹇爻剩一錢看唯旅橐抵雙管畫有書包鄉情振觸程偏

阻各自驅愁當解嘲

錢後人如玉粹溫

謂錢禹牧達泉昆季

整襟聆我輩狂言世間果有斯風

漢味外宜參此法門黃嬭仍期究終始素心難得數晨昏蘭船

栗杖行相訪不獨馳書問水邨

小舟兀坐卽事道懷東雲椒午樓八絕句

小就從知易著身
篙師搖櫓疾於神
庾將軍尙能容足
何況江湖載酒人

三人各據一靖蛉
蓬打頭低足礙櫓
轉覺看山情不淺
浦徐寒岫入船青

几不能張硯不臚
揮毫膝上選吟餘
別開新樣殊堪哂
跪著衣裳卧讀書

飯後難將跬步移
夜眠覆首避風吹
衛生小訣吾差解
卽境何容自主持

一葉衝風浪響歷
回看大扁滯沙隈
安便豈不懷寬處
那得長時快意來

支頤寂眺楚天長
眉月初傳一棧黃
寄語多情午樓子
而今真箇是淒涼

箇是淒涼

午樓兩月以來頗有淒涼之歎故戲及之

魚箔燈紅隔葦簾
撈蝦淺渚映虛簷
前身合是烟波長
水景頻看總不厭

銜尾船如雁接群
相先相後語相聞
蒼茫別意從茲始
掉得餘波也張軍

抵宿遷縣唐芝田司馬以所乘舟相送至淮慢賦一首邀

雲椒午樓同作

又辭卑趣得高踪
展拓筋骸縱懶容
廣廈庇人差可擬
慈航近岸適相逢
頻聯吟席揮長紙
不遑家山隔數峯
酒罷惺惺倚孤枕
未分襟已軫離悰

抵淮與雲椒午樓別再賦一首

堤深樹老古淮津
此別驚神遂欲真
千里江波數峯影
半帆寒色兩詩人
滿船燈火思前賞
躡屐溪橋訂後塵
多少喜憂相共

事又吟殘雪度蕭晨

寄謝芝田司馬三絕句

離緒三秋話一宵
芳船借與蕩蘭橈
知君心事隨流水
相送長淮不覺遙

暖簾搖漾綠波如
穩閣行裝雜置書
昨日短篷今廣艦
人生隨地有乘除

滄碧紗縈牡蠣窗
風華難似此絳艘
不知司馬來欹枕
閑看何人剔淺缸